



先哲叢談後篇

内閣文庫
和書類
六一六號
冊一
五七

内閣文庫	番號	和 16006
	冊數	12 (9)
	函號	157374



琴臺東條先生著



先哲叢談後編 全卷


文政十二年

己丑冬十月


新鐫招牌記

浪華書林群玉堂梓行

先哲叢談後編序



元寶以來文運盛開於是乎伊仁齋物徂徠其他有名之士彬彬輩出其所著文章徃徃有足以傳于世者然至史編則寥寥無聞



是以功臣之勲名士之跡
鬱滯不顯湮沒不傳固為
可憾焉此皆誇博識馳空
文徒貪時名之所致何以
裨益後世之有予先人念
齋君蓋有感於此纂集國

初以來文臣武將暨名一
技藝者行狀墓誌家乘譜
牒著史氏備考百卷其係
儒林者特撫其要傍及稗
館口碑逸事佳話以為先
哲叢談既布于世然猶有


遺漏將有補續未脫稿而
歿予也愚陋寡聞固不能
繼撰裘然亦竊有志乃謀
親父執校訂不釋矣戊子
之冬東條琴臺先生介慶
元堂訪予廬曰吾亦嘗有

纂先哲事跡之書請將效
先人體例而為之後編子
其許之否予喜託以先人
遺稿庶幾將少有資考于
此曩者先人屬醫林部于
官醫某桑門部于京僧某

各就其專門而集大成。又命予纂係義士者。頃既屬稿矣。今茲己丑之秋。琴臺此書刻既成。則令鬱滯湮沒者。昭然顯于後世。豈誇博識馳空文。徒貪時名者。

之比哉。儻或他日。醫林桑門繼踵而成。則先人之業亦不朽乎。是爲序。
文政己丑冬十二月

江都德齋原義撰



悍卒與卒而措之於用學政
廢而不講求速應仁之求其弊
極矣夫大誘其衷之者
神祖龍興削平光稷廓清
禮坤方寓一家車書禮樂

圖弗禮禮然畫一四方儒術文
藝之士應感而起修而為
道德其教而為文音采施而為
事業或列衆史教百家或
才富萬篇筆馳風雷前者

先哲叢書後編
崛起後者代興無不相與扶翼
斯文而深飾休隆矣猗歎
盛哉其學行事業業人有繼
而揚之者恨搜輯不博粹
雜雜伴其足以傳信於世

者莫善於東條子感之撰
矣子成貫紬群以稍有搜異
聞成二十卷名曰閑散之宜
史其敘事博措辭深之廊
廟丘園系錯之舉道德


功業未隨筆畢露，以特觀
子戚博臨見治同之學，廣收
遠括之力，以副國家
崇重斯文之感，志矣。嚮
有原氏先哲，蒙該離早

刻於世，其所甄錄僅七十二
人，其餘專門名家，猶可
傳後世者，區區不以此議者，憾
焉。書祐慶元堂，乃撮子戚
之書，又得七十二家，裁為八

卷更名曰先哲叢談後編
蓋不欲掩原氏之美也
後之續斯書每值其
奇事才異聞當必有葉
仰歎服因而興起者

文政庚寅五月東都綾瀨

龜田梓撰



陶齋古者吾書

先哲叢談後編

龜田梓

先哲叢談後編凡例

一斯書所載各家事蹟所考援書三百餘種通編採纂不妄一事皆有根據而參互錯衷不堪瑣屑故效前編例每條不復記其出典

一志士自晦無蹟之可搜無書之可考者多出於諸老先輩之所提耳面命而不能必無流傳之異同也編纂之意固在于摭掇散逸發越幽沈則其涉疑似者不得不併存以備參考故不盡合於多聞闕疑之訓屬辭比事雖不安其無紕謬不忍棄之意在鷄肋定為羊存

先哲叢談後編凡例

一斯書所載各家事蹟所考援書三百餘種通編採纂不妄一事皆有根據而參互錯衷不堪瑣屑故效前編例每條不復記其出典

一志士自晦無蹟之可搜無書之可考者多出於諸老先輩之所提耳面命而不能必無流傳之異同也編纂之意固在于摭掇散逸發越幽沈則其涉疑似者不得不併存以備參考故不盡合於多聞闕疑之訓屬辭比事雖不安其無紕謬不忍棄之意在鷄肋定為羊存

一斯書雖以儒家為主。不敢專泥之。若山鹿素行。味立軒。本儒。以精於韜略。後以兵家而被稱。細井廣澤。源東江。始以儒起家。晚以善書而被稱。越雲夢。山東洋永富。獨嘯菴。伊藤冠峰。以方技著。自以儒而居。新井白蛾。片岡如圭。以占筮聞。又自以儒而居之類。皆悉收之。蓋以其有所原也。

一所標姓氏。皆從其所自稱。雖然我邦姓氏。複者多。而單者少矣。其複者至三四字。或不雅訓。文人之癖。尚雅斥俗。自脩為單。若南部為南益田。為田之類。截去一字。今就二者言之。南則混南條南川等。田則

混田村田中等。無所取信。又至其好奇者。不啻去複為單。去字偏冠。若藤為滕。源為原之類。汎濫尤甚。至百歲之後。無知其人之為誰。著姓名族。紊倫失實。殆不可解。夫姓者。統祖先所自出者也。氏即族也。族者。別子孫所由分者也。豈可犯名分亂世系哉。人弗思耳。故今舉通行之本氏於各條。以記其實。欲令覽者不誤認其濫矣。

一生卒年月。葬所著述之類。雖前後重複。涉於蕪雜。不敢憚煩。一一記之。以便於弔謁墳墓。訪求遺書者。而至其不得詳悉者。姑置俟後考。

先哲叢談後編
一引長蓋短。義所宜然。苟足傳者。不敢以避嫌。而蔽其美。然若係朝典。條制。侯國。法令等。不能不避諱忌。而闕如也。以故懿言卓行。或存口碑。雖世所知。為之芟柞。不得記者。極多矣。覽者無罪。其不備而恕之。一余乏收貯。各家著述。多聞其名。未見其書。百方求之。資考援於同人。而人或吝乎假借。愛不肯示。自知遺賸。不尠少矣。後哲設補完之。則幸甚。
文政十年丁亥之春
東條耕識

先哲叢談後編凡例終

先哲叢談後編目錄

卷之一

谷時中

七條

三宅寄齋

十一條

小倉三省

五條

永田善齋

六條

江村專齋

九條

卷之二

山鹿素行

十五條

川井東村

十一條

西健甫 四條

白田畏齋 十三條

伊藤坦菴 八條

小河立所 七條

松浦交翠 五條

莊田琳菴 四條

榊原篁洲 九條

卷之三

細井廣澤 廿七條

南南山 九條

中野撝謙 八條

板復軒 十條

盧草拙 六條

荒川天散 七條

鷹見爽鳩 十三條

田鶴樓 十二條

田蘭陵 五條

岡嶋冠山 八條

越雲夢 九條

卷之四

源洞巖

十一條

矢野拙齋

五條

中江岷山

八條

高瀬學山

八條

澤琴所

九條

桂彩巖

十一條

味立軒

七條

管麟嶼

八條

卷之五

莊子謙

八條

稻葉迂齋

十二條

長阪圓陵

四條

元淡淵

十三條

高暘谷

六條

山脇東洋

九條

平竹溪

九條

木蓬萊

七條

赤松太庾

六條

中根東里

十一條

石瀬濱

五條

卷之六

劉龍門

九條

良華陰

七條

田邊晉齋

七條

南宮大湫

十三條

林東溟

七條

永富獨嘯菴

廿二條

谷玄圃

八條

鷓士寧

六條

伊藤錦里

八條

江村北海

十二條

清儋叟

十二條

卷之七

井太室

十三條

伊藤冠峰

七條

原東岳

七條

小川泰山

六條

奧貫貫山

八條

山中天水

十一條

片岡如圭

六條

井金我 六十九條

卷之八 八十八條

蘆東山 八十八條

石丘塞軒 八十六條

新井白蛾 八十四條

龍草廬 八十二條

安清河 八十條

卷石作駒石 五條

源東江 九條

那波魯堂 八條

紀平洲

十九條

合七十有二人凡六百七十九條

斯編原題曰閑散宜史以知二百年來儒林文苑士之履歷而為主其所記載自清原環翠藤惺窩至那波魯堂紀平洲等無慮一百二十人排纂成冊將刻之家塾而問於世會北總原公道著先播叢談八卷既收其七十二人各家事蹟與余所編大同小異詳畧得失互有出入公道有後編之作未成而歿諸友通人嘉獎余編皆憇憊之故刪七十二人讓之公道書以省重複掇殘拾剩增益數家條分縷拆又得七

十二人再能成冊。猶用舊名。乙酉之春。書估慶元堂。懇請改其體例。標目卷帙。皆仍公道之舊。爲之後編焉。余諾而不果。時促不措。遂授之稿矣。戊子之冬。訪原正道。告以余舉正道不敢拒之。又嘉余編。投示其先君子之遺著。史氏備考及後編草稿曰。斯二書也。先人在于世日。研精覃思。有年於此。未及脫稿。雖固不足以充其取材。校異同於此。不可謂必無所少補也。余受而讀之。其爲書也。徵引賅博。偃武以來。人物足傳者。莫不蒐輯。譜牒行狀。墓誌記傳之類。薈萃頗勤矣。余搜索多年。常憾其不能盡。自讀二書。耳目所

未逮者。釐然旁通。爲益不尠。雖然。尺有所短。寸有所長。前七十二人。與公道所記。有異聞者。不爲不多。因別有藝苑雜志之作。記以國字。便其展讀。他日當嗣刊。嗚呼。余也。線鞞之才。短於叙事。不能選擇。可否明暢情理。雖則不可見全豹之美。僅足以窺其一斑也。且斯編布置冗長。洪纖悉舉。雖似別蜂房之戶。固非爲蛇足之添。勢在于剔抉湮晦。包括散佚也矣。若夫畧者詳之。繁者簡之。首尾全備。實賴後人之糾正矣。冀諸名公不愛其秘。以傳記行狀墓誌遺稿之類。見貽。當再輯續編餘編。而補葺遺漏。投示是祈。今茲已

丑之秋業已刻成。故書始末於此。正道公道之子。名義号德齋。少有英氣。不屈下人。尊此文。不墜先業。余辱交誼。不敢掩其推誠接物之美云。

東條耕再識

先哲叢談後編卷之一

信濃 東條耕子藏著

谷時中

名素。有字時中。通稱大學。後稱三郎。左衛門土佐大人。

時中之先。不詳其所出。父曰宗慶。世事農桑。嘗以時中志於學。讀書於州之高智真常寺。從親鸞派僧天室者學。遂從教剃髮。號慈冲。後住于真常寺。每聚緇徒。講說佛經之暇。好讀經史。最喜漢魏傳注。後悟其入釋之非。然未得學之總攝。泛濫老佛。後聞南村梅軒。

適從程朱之訓。百方千端。訪求其書。始得語孟集注。
學庸章句。朱子文集等。讀了。慙愧浮屠。廢棄人倫。於
是乎。又蓄髮還俗。改名素有字。時中稱大學。以儒與
醫教授高智。于時元和之初也。

時中了角。穎悟神宇超。儔嘗聞天室講說。大學生財有
大道之章。講畢。天室語曰。貴財者殺人喪身之本也。
與其有之難。而不若無之易。時中曰。財本無心。殺人
人貪奪自取。敗亡。譬如明燈。不殺蛾。蛾自撲明燈。真
可閔矣耳。天室大奇之。

時中住持真常寺。時不欲挹遜降於人。固無所屈。遇權

要之士。唯長揖。未曾拜之。遘貴胄豪族。直名之。不以
文呼。人以為矜誇。一士人大怒。不遜揮刃。將使恐脅
之。曰。賣僧何德。常在士大夫上。而飽食煖衣。若無一
言可說。身首異處。及加領下。時中神色不變。自若曰。
任爾所欲。我視死生若一。何足以恐乎。士人異而不
加害。

時中訪求經籍。時喪亂之後。僅脫干戈。文運未闢。獲書
最難。而况高智南州之僻邑。搜索無他術。求之平安
若浪華若。長崎積年之久。多儲藏之。以其服事田畝。
家本不貧。以購買書籍之故。饒資富財。為之蕩盡。嘗

曰富貴失志田產數百石此非所以嘉貽子孫也不
若吾讀聖賢書講明道義以之傳於後乃嚮却之僅
存數頃田可以餬口云

時中唱程朱學於土州當時稱之南學從遊甚眾土佐

侯從四位侍從松平土佐守忠義屢徵之曾謂侯使者曰州內之民

以不食祿於公廩得必為非臣僕乎在國謂市井之

臣在野謂草莽之臣均是州侯之民也臣叨竊浮名

以儒術妄駭尊聽而學未極精微躬自研究道義之

不暇惡足以師範王侯乎辭而不就侯及士大夫由

是益崇重焉

時中資性豪邁無所畏敬而至晚年磨煉蕩滌尊信程

朱逾益堅確懲警初年沈淫老佛汎濫眾家慨然切

於求道深慕許魯齋薛敬軒等為存養踐履之實行

篤學縝密厚重拘束一身動靜周旋平常尤謹故其

於師弟之間也教育頗嚴矣野中兼山小倉三省及

山崎闇齋皆受之誨督時中能先識三子不凡遇不

以弟子之禮三子又能心服時中為久也後皆以其

所見振起乎一世特闇齋剛毅威重師道甚嚴蓋所

以習時中之遺風也

時中以慶安二年己丑十二月晦日歿于家時年五十

二。葬于高智城外瀬戸山。所著有文集六卷及語錄四卷。皆門人所輯錄也。

三宅寄齋

名島字亡羊號江南野水翁通稱寄齋又以為號

一說通稱玄番和泉人

寄齋字多源氏佐々木秀義第三子。三郎盛綱之裔也。盛綱第二子。加地左兵衛尉信實。食邑備後兒嶋。因以地為氏。五世之孫兒嶋高德稱備後三郎。殊以武功顯於元弘建武間。後隱于大和州多武峰。入道號義清法師。或曰志純其子孫皆給仕于足利將軍。寄齋高

德七世之孫也。父某仕于豐太閤。為泉州堺五奉行之一人云。

寄齋歲十一喪父。不復仕官。十九遊于伏見。又遊于京寓紫野大德寺。讀書力學。有年於此。遂以醇儒聞。其學無常師。自以漢唐注疏教授子弟。間講程朱之書。從學者頗眾矣。

寄齋自少壯性行不苟。遊伏見時。隣有富翁一女。容色甚都。嘗將招寄齋寓宿于家。辭而不行。他日或問之。曰。瓜田不把履。

石田三成在近江。佐和山。崇重文學士。屢招藤惺窩惺。

寄齋資性謙虛。退讓自將。不敢欲名高。雖然聞其操行。慕附者衆矣。特與藤惺窩交情最密。惺窩長于寄齋十九歲。而能愛敬之。稱以爲謙厚君子。

窩欲行未果。又聞寄齋之名。使其臣戶田某卑禮厚幣。而通慙懇約。以時々講說經史。訓導治道也。恩遇頗優。三成意蓋欲以入幕之賓。謀謨機密。論定得失也。于時秀吉既薨。群僚不和。朋黨相構。人蓄異志。三成固結秀賴。勢傾朝野。附之者衆。寄齋與之往來。僅三回。而稱有疾。不再交。既知三成誣刻善良。包藏不軌。欲擅柄權之事。至其翼年。果有関原之役云。三成之臣。柏原某。與寄齋友善。當其完聚時。賄以黃金十五兩。吐露緣故。固請左祖。三成屬于麾下。寄齋不肯之。

寄齋歲踰不惑。信其學術者。不爲不少。如近衛應山公。

從一位左大臣。信尋公。津侯高虎。從四位少將。藤堂和泉守。福岡侯長政。從四位侍。從黑田筑前守。宇和嶋侯秀宗。從四位侍。從伊達遠江守。弘前侯信義。

津輕越中守。関宿侯重宗。從四位少將。板倉周。皆以賓師之禮遇之。饋贈不貳矣。故以祿四五百石。雖有聘之者。辭而不應。

寄齋以久教授。輦轂下。唱道於縉紳之間。學博行修。

領袖乎後進聲高于一時。竟達一。啟聞。後陽成上皇。後水尾天皇。皆有。內旨辟講經於便殿。屢備。顧問。寵遇優渥。得以布衣。升與公卿。列于禁闈。又有器財名香之賜。人皆榮之。

寄齋以天正八年庚辰正月元日一說云。十一日生于泉州堺。

以慶安二年己丑六月十八日。歿于平安油小路家。

得壽七十或作七十二。非也。葬于洛北鷹峰。其墓石正面題。

處士亡羊子之墓七字耳。蓋此地慶長中。後陽成

帝所賜寄齋。所謂鷹峰四十間四方塚者也。

寄齋義子名道乙字子燕號鞏革齋。一說云。通稱。忠兵衛平安人。

本姓合田氏。學于寄齋。以其篤信於師說。養之為嗣。以女妻之。令冒三宅氏云。道乙精于史學。嘗施國訓於朱子通鑑綱目。刊行于世。今坊間稱之道乙點。後進便之。其裔分為四家。一曰三宅氏。仕于津侯。二曰合田氏。仕于阿波侯。三又曰三宅氏。仕于備前侯。四曰星合氏。仕于中津侯。皆能繼箕裘。不墜家聲。至於今日。就中近時備前。三宅徵字。元獻號。牧羊。津。三宅昌綏字。君靜號。錦川。皆以經義名于世。蓋寄齋德澤之所及也云。

寄齋之曾祖名宗徹字通翁。號鞏革齋。永正中嘗奉于

使入于明。見詹冲。和名傳以字行。錢塘人。善書畫。請書葦牧齋額。字得之而還。其真蹟三字。行書及跋文一幅。今猶傳于家。以為珍寶。

小倉三省。名克字政義。號三省。通稱彌右衛門土佐人。仕于

國侯。三省之先世近江人。祖政信。通稱勝右衛門。仕于尾張。黑田城主。但馬守山内盛豐。盛豐屬織田右府弘治三年丁巳。戰死於尾州岩倉。政信又從死於此。盛豐子對馬守一豐。從豐太閤討比條氏。政有功。太閤賞

之。賜遠州掛河城。父政康。通稱勝介。仕于一豐。以勇武聞。及神祖統一海内。封一豐於土佐。高知城為土州侯。一豐以政康屢有勲勞。拔擢以為上大夫。歲八十。致仕。老于家。以承應三年甲午三月卒。享年九十一。三省以父之蔭。補為火器隊長。又為中大夫。又為上大夫。襲采地入三千石。

三省坦懷虛襟。喜取衆善。入亦懼陳謀議。及其為上大夫。以與野中兼山同出于時中之門。學術指趣頗相匹似。而兼山資性剛斷。英特勇往。儼果自行。不敢顧傍慮後。故其闢山野。荒蕪海濱。廣瀉變磽确為膏腴。

三省

穿堀津呂港便於海運之類。一朝而盛功成。事業永彰。聲望遍于南州。三省均在于其職。官蹟功烈若遠不及。而人物之高。殆出乎其上。平生以實踐體察。自得性命之源。固不欲誇耀。勝人。懋啓導後進。實爲南州理學之巨擘矣。

三省嘗議藩制。死刑之中。擇情輕者。而用墨劓。判刑救死前後若干人。一日斷獄。罪抵死矣。其蹟猶出。青災可肆赦。以罪疑特輕之。放逐州外。愴然憫惻。曰。寒時服單。恐路凍餓。乃爲予緼袍及酒食而去。其人流涕曰。放逐我。侵罪也。寧死。豈忘那恩耶。感謝平生慈惠。

率類此

三省與野中兼山。底績於土州。當時之人。數稱國有其人。而兼山果處多寬處。少加旃以嚴毅威重。進退規矩。才有饒德不贍。三省反之。溫柔寬量。莫與物忤。擢節退讓。不好急遽。嘗諫兼山曰。公強欲知人。而好用明。厥照非自然。恐反入過察。夫明者。順理先覺之謂。猶堯知丹朱之囂。訟是也。察者。逆詐億不信之謂。猶德宗疑察。却爲奸佞被罔是也。用意公私。辦事緩急。相去何啻千里。競競業業。須慎事於始。毋貽悔於後。至三省歿。亦無爭友。補弼闕隙。事寢安肆。特其植功。

分封言林

以至奢靡與諸大夫不和為之所讒遂至自殺由是觀之三省學之所親切德之所涵養可以視二人優劣矣

三省承應三年甲午夏執父喪哀戚然羸瘦毀瘠而疾起至秋七月十五日而卒時歲五十一葬於州之五臺山傍嶋

永田善齋

名道慶字平安又作平庵通稱善齋號石菴平安人仕于紀侯

善齋年十四從洛東建仁寺誓古澗而學詩一夜緇徒

數輩來訪時丁庚申古澗乃使眾作詩善齋又同賦曰一宵清話共相親忽轉朱欄月色新且喜三彭今可伏靜焚香炷守庚申古澗曰句則佳矣山僧有竹欄無朱欄何妄說其言甚驕善齋意含不平後經數日古澗為人作畫鷹詩曰高掛斯圖狡兔藏劍翎鈎爪勢將翔架頭未了在縲絏烏亦清溪公冶長自負其佳句不止善齋難之曰小子以朱欄譬竹欄猶且指瑕之今所畫碧絲條而非縲也先儒云縲黑索也縲孿也且又鷹有何罪而以縲絏哉請改而可也古澗面色赧然自是善齋蚤慧之聲著于五山緇流之

先哲叢書後編一

善齋

九

間。善齊平生甚謹。飲食嘗以藜文忠河豚烏賊說寫之於
屏風。自警。又使來遊者觀焉。蓋所以警悟人之意深
矣。

善齊始學于藤惺窩。惺窩歿後。與林羅山有師友之契。
常受其誨督。平生雖以程朱學為根柢。與近世儒流
回護宋學。拘泥其說。成門戶之見者。大異矣。嘗議朱
子行狀。不慊於人意者。數條。雖未免好為高論。可謂
能學朱子者矣。

善齊自壯年行。必携鐵杖。重五十斤。嘗將行高野。取路

於山中。蒼奴一人從焉。深入數里。老樹翳鬱。四無人
徑。有一僵木。長數丈餘。大合抱許。木忽蠕々而動。狀
如將行者。能熟視之。三丈有餘。老蟒也。奴愕怖。避之。
善齊曰。吾聞蛇類忌鐵。以杖擊其尾。鱗堅如岩石。自
若而過。

善齊元和中。從林羅山遊駿府。又來江戶。時羅山薦善
齊於紀侯。釋褐儒官。移居和歌山。侯優遇之。命有司
營其書堂。教育士大夫。國中嚮學。自是而後。殆二百
年。絃誦之業。至今俞盛云。

善齊仕于紀五十年。寬文中歲八十七而歿。所著有文

選髓二卷贈餘雜錄五卷沕潛文集十二卷

江村專齋

名宗具字專齋又以為通稱號倚松菴平安人
專齋村上源氏赤松之庶族曩祖赤松次郎則村入道
號圓心當元弘中北條高時獨擅威權廢立萬乘始
據播州麻耶城勒王討賊後從足利將軍以武功受
封於此子孫繁延于一州永祿中同族州之三木城
王別所小三郎晴定為織田右府所攻喪其所領專
齋之曾祖曰江村民部大輔孝與又在州之三石城
既聞三木城失守防知其不可拒禦竊出于城奔于

京隱居新在家混跡市井以慶長癸卯歲歿孝與生
榮基榮基生既在乃專齋之父也既在以聞香技著
稱于世豐太閤屢召問其法當是之時海內搶攘日
尋干戈既在身閑散而無意於當世娶某氏以永
祿乙丑生專齋於新在家云
專齋幼在新在家十五歲遊平安學醫術於法印德岩
又自攻濂洛學遂以儒遊事于肥後侯加藤清正食
祿五百石清正卒後辭其祿寬永中美作侯森忠政
聞其名聘之遇以賓師禮饋月俸七十口遂又遊事
之以終焉

先哲叢書卷之二
十一
專齋之弟曰久七郎始仕于江州佐々木義秀佐々木氏喪後薙髮號久茂受聞香於旣在又以其技鳴于世豐太閤屢臨其家是以專齋又得謁見受金帛之賜前後數次時人榮之
專齋自少壯務爲修養齒過九十視聽不衰無與少壯時異矣後水尾上皇聞之召見問修養之術專齋奏曰臣固無他術平生唯持一些字耳上皇問故曰喫食些思慮些養生亦些耳上皇大感賞之專齋好詠和歌兼精其說細川幽齋木下長嘯子等皆與之交寬文四年甲辰齡甫一百歲自詠和歌三首

其一曰報望徒制珥娜屢馬提鷄惠壽狹武賀羅萬民揆愛類美譽野味智貳比嘉列手其二曰儼兒慕瀨出實努偉哆豆良尼酢疑斯遊慧替紆裳方塗世農幡樓而阿俯香菜其三曰謨茂努勢毛奈游安機多邏須愈區孺敵雄越母敷顧姑慮襲蒙能輪等被名瑠其藻播傳入獻覽至七月敕許院參賜鳩杖一黃金一後又有扇紙等之賜焉夫草莽之士有至尊顧問若斯實可謂儒林之榮也

專齋自有鳩杖之賜額家曰賜杖堂子孫世居於此有三子長宗覺字斯民號好菴次宗眠字友石號剛齋

次宗祐字惠夫號愚菴三子之後各以文學名於世皆仕于侯家其榮耀繁衍世之所稀也是不專齋德澤之所致乎哉

專齋與伊藤坦菴友愛殊渥坦菴少於專齋五十八歲不以後進視之常稱吾家畏友坦菴深服專齋之為人傾心推奉也嘗記專齋平日談話數百條題曰老人雜話好古者寶之坦菴又嘗讚專齋肖像云人生滿百古來難無肯有休還更難孫子蟬聯最難得一家獨自併三難畢書曰余弱冠而與專齋老人相交數十年於此雖年分不偶而氣類頗相同聚會往來

殆無虛日老人談往事疊々可聽一無浮誕余每忘倦其爲人也恂々樂易在室不聞忿疾之聲其面常有和煦之色真所謂寬厚之長者也

專齋以賜鳩杖之年九月二十六日歿於綾小路家享歲一百葬于洛東善正寺法謚曰仙壽院日榮居士至今遠方之人遊于京者必謁其墓云

或云江北海家所傳專齋真蹟楷書二行實爲希世珍今其語附載于此曰名利兩不可好好名者比之好利者差勝好名則有所不爲好利則無所不爲也

田祿二百五十石。賓於其邸。優遇甚渥。昔妾某氏。以
 元和八年壬戌生。素行無幾。會津侯有罪。國除。左近
 新出給仕于幕府。賜食祿五千石。為百人隊長。騎
 士所謂二十人卒。同心百人隸焉。故欲薦高道以為
 騎士。高道辭而不就。遂以長子惣左衛門代之。惣左
 素行異母兄在自薙髮號玄菴業醫於江戶。時素行
 僅三歲也。云。素行田山又與素行
 素行幼名佐太郎。六歲從塾師學書計。九歲入于林羅
 山門。時稱文三郎。十一為人講說小學論語。貞觀政
 要等論辨殆若老成。十二羅山許以講經。用見臺焉。

見臺蓋懶架類。我邦二百年來物。儒家講筵代机案
 者也。十八從北條氏長通稱新藏後叙從五位下任安房守學。韜略氏
 長小幡景憲通稱勤兵衛高足之弟子也。從學之五年。諸
 弟子無出於其上者。二十二景憲愛素行。專志旁通
 講習。不急使氏長悉傳受秘訣。自是而後。從學者甚
 眾矣。三十五其所起草四書句讀七書諺解。武類全
 書等成。四十五被配流於播州赤穂。五十五遭赦歸
 于江戶。後十年而歿焉。素行
 素行始講宋學。左祖程朱。年四十後有疑於理氣心性
 之說。以先是所著經解數種。悉燒之。寬文六年春著

聖教要錄三卷刊行于世。非斥程朱。辨駁排詆。無所
素忌憚。其意蓋在諷刺於奉崇宋學者。當時之人。自王
侯貴族。至士庶。尊信程朱者。極衆矣。遂以斯獲罪。被
幽於播州赤穗矣。
世人稱素行者。皆視以兵家者流。徒知長於韜鈴。未
精於經術。余嘗讀其所著聖教要錄。武教要錄。四書
句讀等。持論立說。雖盡不醇。能抒其所獨得。未嘗剽
竊先修之說。專門經義。既在當時。別構一格矣。伊藤
堀河物赤城輩。以一家學風靡海內。素雖氣運之使
然。其嚆矢之任。不得不讓諸於素行矣。

赤穗侯長友

淺野内
匠頭

親執弟子禮。請教與素行往來數

年。於此其虛左優遇。異於他。承應元年壬辰春。贈祿
一千石。使釋褐。藩素行感。知遇。應聘仕于此。九年。而
責不以職任。遇以賓禮。猶故。萬治三年庚子。夏。有故
辭祿。侯謂素行曰。近世木村常陸。封邑五萬石。以
五千石。聘木村惣右衛門。長谷川藤五郎。八萬石。以
八千石。聘嶋孫右衛門。丹羽五郎。左衛門。十二萬石。
以一萬石。聘江口三郎。左衛門。吾所聞也。寺澤志摩
守。八萬石。以八千石。聘天野源右衛門。松平越中守
十萬石。以一萬石。聘吉村又右衛門。吾所親見也。自

今以後諸侯有聘問者不爲一萬石無應其聘矣夫
百石千石士之常祿也士不食祿萬石則出不足以
行軍國之用備戒器之具入不足以祭祀祖先養父
母撫臣民矣其被尊崇率若此
素行資性英邁卓絕古今加旃以洽聞強識達練時態
其爲人謀也敷陳利害論定得失蒞事果斷疑嫌立
決一執贄者欲挹風猷依頼於是不啻問道請教雖
機密事吐露情實受其截斷矣故自王侯至士庶人
出入於門者日數十百人矣家頗富饒妻妾之奉奴
僕之仕雖五六千石者不能與之抗其儲藏費用云

素行與人語不合道義厲辭大詈然人人推愛氣宇皆
喜直諫退無後言稱門人者殆四千有餘人聲價振
於朝野而名之所在謗亦隨焉有一貴紳憚其謇諤
者謂以若斯之輩不可謀其包藏不軌至於妬忌之
而沮裁行趾矣

素行弘粹通遠能察未然其所言經數年毫釐不違人
皆歎先識之明某侯崇重文學之士有名諸士多曳
裾其邸素行又應其徵屢詣侯家侯愛橘正雪由井稱
助部正雪以兵學名於時嘗邂逅於侯家正雪丰儀
貴重甚有威望長於素行十三四歲聞素行精經義

亦長韜略頗禮貌之素行話寒暄外不發一言矣他
用謂侯曰臣視彼容貌以熟察其意不可測知君勿
必近如彼者也侯不可時侯欲以月俸七十口賜與
素行使爲臣辭而不就後至慶安中果有覆治姦兇
之事素行素行弱冠之時好詠和歌從廣田坦齋學萬葉集三代
集等兼研究所謂神道者頗精其說歲二十一與某
侯談諸州地理席上戲詠和歌二首記我邦無海州
其什至今膾炙人口其一曰紆綱那騎破耶摩屠益
滿嗣盧偉賊舸和乳津玖信煮智寔據馱務馬美磨

嗟架其二曰鞅賦實辭箭彌能斐陀廼矩荷階冰紫
灘濃香烏頭稽志茂通結顧禮蕪卯躬奈斯
素行常云至誠以感人猶有不服者而况設權謀詐術
以行之乎

素行常辱赤穗侯長友知己辭祿之後猶屢與之交竊
謂侯曰自干戈止殆五十年天下無事欲爲死以有
報舊德而時不可爲也則無可授命以達宿志又欲
有致而酬非常之遇而非帝誦劣無能爲皆係於時
勢然私心所安不爲無所期臣以經義與韜略教侯
之諸臣臣精力所蘊皆在於此故能達臣旨若處倫

理之變萬一無服勤有所償乎哉侯大喜爾後殆五十年至元祿年間其子赤穂侯長矩時賜死而國除其遺臣四十七人果有襲殺吉良氏殉成君志之事世稱之赤穂義士之復讐焉

大石良雄當素行被幽於赤穂時親炙之學兵後遊京師從學伊藤仁齋云方其枕于窺隙之間潛行如避情遊示廢曠日持久乃能使讐不動不驚夷然居之而至忘爲之戒心矣而後一鼓得遂其志且使其四十六人衆率之以義各見死如歸固非從事於暴卒之間而不顧成敗者之所能及也其處人倫之變置

非常之事一伸一屈雖出於天授素行遺澤之所存者亦可謂不鮮矣

素行以貞享二年乙丑九月二十六日歿于淺草田原街家享歲六十四葬於早稻田宗三寺法諡曰月海院翊光淨珊居士素行歿後數十年常陸稻葉則通著山鹿子由來記肥前齊藤時良作實傳詳其事歷二書皆曰素行有二女一男長女嫁弘前津輕將監次女嫁同家津輕平十郎季男高基通稱藤助遊事於平戶侯其家至今存云

素行遭赦歸後專唱兵學廢棄經藝以其所見與時流
忤也。所著諸書如武教本論武教小學武教要錄聖
教要錄既毀其版傳本極尠矣。又如武事記武教餘
錄治教餘錄治平要錄手教餘錄備教要錄百結字
類常用集雄備集多以寫本行傳播既久矣。其他編
錄成門人之手者數十種。祖述其學者曰山鹿流奉
崇之者至今不絕。卷六 山鹿流奉崇之者至今不絕
川井東村字正次通稱與左衛門大坂人
名與字正直自號東村翁。通稱與左衛門大坂人
東村其先河內人。父曰正次。母小山氏。生三男。伯早歿。

叔東村也。正次以鬻茶爲業。始居伏見。後移於平安。
家產頗富。寬永中傳生業於東村。老稱道存戒之。曰
財幣無失而可也。勿欲必多焉。欲多必僞矣。時東村
二十五歲能服事於尚云。

東村天資踈豪。愛酒殊甚。父母常恐其或發病。一日偶
林一之。通稱玄伯者告以痛飲傷身忘親之罪。東村
領之。爾後不敢飲。滴親戚義故宴會之時。雖把盃不
至於此亂血氣也。

東村年垂五十始志于學。受業於山崎闇齋。東村長於
闇齋十四歲矣。闇齋曰。入道莫如敬。當先持敬。子不

幸過時不必讀書可專實踐我只說與子則每事須體究東村從之專力持敬之說不敢少解其餘所聞皆服膺而无失矣闇齋屢稱其篤志

東村嚮學而後致孝於父母常悔往年之薄於愛敬又懼來日之不終養耳正次性好直言議不苟合動輒與鄰里有隙東村深憂之懇々乞和於人後數年莫爲之不親睦者人皆賢之

東村雖嚮學晚確信程朱躬執筆日寫經傳如孝經刊誤小學句讀學庸章句語孟集注近思錄集解朱子語類魯齋全書讀書錄天命圖說自省錄等兀々畢

功或詰曰吾子之所騰寫者皆刊布於世而今最之果似無用東村曰我非欲寫之以適於用不用一則所以不自逸一則所以習敬也

東村嘗畜傭夫夫暴悍倨傲不知敬愛然其服事更無所懈故東村未嘗譴之唯深慰撫耳居數十日夫自抑遜每見東村反有慙色後自然爲篤實恭謙之人東村愛之常語曰先修變化氣質之說可以視矣

三宅道乙嘗訪東村視其家道歎曰是董召南之遺風也東村曰或然道乙去旣而自謂召南之德我何當之有明日特造道乙家謝云公昨許我以董氏之遺

先哲叢書後編二

風我偶失對今於心不安故謝其罪
正保丁亥之春正次罹病東村雖異居處日至其家至
益篤日夜不離側衣不解帶湯藥必親嘗饋饌必自
執中帛廁牖亦必躬浣滌之起臥出入扶持之至厚
不欲人之代己度暑經寒屬々無倦至己丑正月遂
不起東村哀戚踰節饘粥絕口於喪紀咸從朱子家
禮而損益之屋後有一室居之以為喪次自非省毋
不敢出戶家事一委之妻子無所聞潛然涕泣不已
如是凡十有九月而母小山氏又歿東村毀瘠雖甚
哀禮兩不怠如其棺斂窆安之事三虞卒哭之尊皆

不敢降於前喪其所自執久而愈謹通二喪凡四十
有餘月而憂色猶未去云按我邦慶元以來學問大
闡當是之時有識之士能斷然行之服三年喪徃々
有焉安知非其感發於東村之所為也哉
有或來訴父之不慈於東村者東村聞而不荅泣而涕
下其人驚問其故東村曰聽乃言似梟鳴甚不祥可
過去耳夫詣弊廬趾也告不慈舌也厥趾厥舌孰得
而運轉之無非行親之遺體也將枝傷根骨肉相噬
天地之所不容王法之所棄市不祥莫大焉語畢復
泣其人憮然自失扣頭謝罪後自反責躬遂孝於父

先哲叢書後編二

九

母矣云

東村之妻高瀨氏平安人頗有學術夫婦之間相敬愛若賓客雖與偕老奉待東村夙夜不倦鄉隣之人屢稱其有賢婦之行焉

東村以延寶五年丁巳十一月六日歿時歲七十七大高芝山評東村曰翁是一味誠實人也獨立不慚影獨寢不愧衾翁之謂也昔遇翁敢問進脩之方翁曰莫追往日之蹤莫迓來日之杳唯一日日下勉為善而已如是而後積度歲月久則自然慣習善斯成性余審勘實踐之言固非想像也教夫悒子克孝詩云

孝子不匱永賜爾類以言教者訟以身教者從觀於此而倍服古訓之驗也

西健甫名順泰字健甫號西山阿比留氏通稱健助後改氏西山故修為西對馬人仕于本國

西山其先世肥前人父順益以醫仕于本州西山學於家庭研精軒岐之言而不屑方技好讀經史歲十八九其名聞於府侯辟為書記命改父祖之業矣云西山歲二十八而請暇於侯東遊江戶從木順菴學與新井白石室鳩巢切靡其業聲價稍顯於同門之士

先哲叢書後編二

廿

與南部南山同其庚子。當時之人謂之木門。二妙後
又松浦霞沼與祇園南海同其庚子。人謂之後二妙。
前後二妙之稱喧傳於藝園云。
西山自受業於順菴之門。與時輩交。自恨成長遠鄙無
良師友。徒費光陰。刻苦憤勵。不廢誦讀。居一年餘。才
情富贍。學術大進。其鴻文鉅藻。既魁藝苑。天若假之
年。其所抱負。殆不可量矣。
西山以元祿元年戊辰十月三日。歿于江戶。歲三十一。
棺斂以儒禮。葬于下谷養玉寺。其在病蓐。既知不可
起。乃使其僕焚文稿數卷。曰。若我文章何足以傳之。

身後世之不問交不交者。莫不愛惜之者矣。噫。按白石

雲集村意語古今諸家人物志并大室儒林傳皆云
西山以元祿元年秋九月二十九而歿者誤也。

白田畏齋

名可久。號畏齋。通稱五郎左衛門。本姓坂口氏。備
前人。

畏齋之父曰可政。爲備前大夫某之家宰。母曰田氏。畏
齋早喪。父後襲其職。天和二年壬戌之春。有故辭。祿
改氏曰田。來於京。時歲三十八。
畏齋自少有志於道。及其來京。僑居銅駝坊。蓋欲求良
友。以切磋學業。獨抱遺經於窮巷。時藤井懶齋仲湯

齊殊愛重之。皆稱畏齋。識見之高。卒不踰洛閩之塗。輟矣。

畏齋雖以名教為任。不欲抗顏稱儒者。而為講業矣。躬親事體。究實踐。常備書以給食。猶且不足。穀粟不能以養妻子。則取菜芋相雜。炊以為飯食之。其窮迫。可以想視。而對人無一語之及貧也。或有贈物濟其乏者。辭而不受。反有愀然不樂之色。儻不得已。而有所受。則以報之。後人皆知之。不復餽也。鄉黨之人皆稱其廉。以焉。

懶齋謂畏齋曰。朋友有通財之道。兄窮困如是。而不受。交誼之饋。是何義耶。對曰。非敢為不可受。若其朝不食。夕不食。飢餓不能出門戶。吾何不受。雖今窘急。幸未至凍餒。故不受耳。

或勸畏齋以祿仕。不答。勸之教授為業。又不答。勸之煉藥。而鬻於市。從之。自讀方書。製地黃丸。益氣湯。類尤窮力於磨研蒸搗矣。人皆曰。斯人而煉斯藥。劑料必真。修治必精。買者頗眾。從是之後。衣食聊足云。

畏齋之所居。四隣皆窮民。畏齋常節己之衣食。雖無餘財。賑賙其急。人皆無不倚賴之者矣。

畏齋有窮乏者來買其所製之藥者。則不見錢之多少。

而多與之。曰：若此藥効於爾病，雖無錢時，必須再求焉。我畜之尤多矣。有壯年者，富强者來求之，則問曰：藥不中病，反加其害，宜與醫生相謀審其當服乎否？而後來求也。我盍賣之。雖然，我不欲妄賣之，以助人之淫心。

畏齋與友人三四輩郊行，視一男子卒倒于糞溷中，而不潔已沒其身也。友人及行路之人，皆雖憐之，惡其穢臭，不得敢近。特畏齋急下手於溷中，以援得之。其所爲如不見不潔者。既而里人來視，謂曰：之子患痼久矣，偶發于此耳。君儻不回顧而援之，彼身朽於溷

中，而人莫之知，大謝之。

畏齋嘗懷償債之金五兩，行遺之途，訪索不得，徒然以歸。妻甚不悅，畏齋曰：楚人失弓，楚人得之，苟有損於遺者，則必益於拾者，遂無吝之意。

有一小奴買魚於市，酈而爲飢鳶所捉，奪深懼其主之詬罵，畏縮無計，不得歸家，涕泣途者。畏齋不忍觀之，乃倒囊與錢若干，使其小奴再買持去。

中陽齋著講學筆記二卷，敷演程朱之旨，論爲學之功，夫尤詳。雖論知識之爲天命，然未及說身體之有天職，雖論在上之天鑒可畏，然未及說在身之天則可

敬畏齋與楊齋嘗論此義其言曰凡人身如目之辨色耳之審聲口之出言舌之知味手之能作為足之能運動皆是天之所命而各具其德豈得任己意而私用之哉况以肆污穢乎人能知其各有天德則動靜云為不可不往而畏天之命噫雖幽暗中天臨無所可避其嚴于十目十手矣若蔑天德而穢之將何之以免天誅其尚存者幸而免矣爾楊齋得此說益感服其所見出於世儒之上遂載之筆記以為先賢未發之言矣

畏齋以元祿三年庚午八月臥病至十月七日遂不起

享歲四十六義故及二三門人戮力聚財禮葬於深草寶塔寺

畏齋歿後其友藤井理定作行狀云處士之學唯剴切於求仁也其持守培養之所素有可以視耳若使天之與之年其所造詣豈可測量也哉

伊藤坦菴

名宗恕字務號坦菴又以為通稱白雲散人不輟齋皆別號平安人仕于越前侯

坦菴之祖父曰伊藤丹後守宗通給仕豐太閣慶長中卒其子曰宗淳者始家於京新在家乃坦菴之父也

坦菴幼而好學。受業於江村專齋。又學醫術於曲直瀨玄理。玄理愛坦菴為人。以其女娶之。後以玄理門人請治療者頗多矣。寬文中改業為儒。不再取刀圭。專唱程朱學。越前侯光通從四位上中聞其名。聘之。賜二十口八百石。以為儒官。

坦菴與村上東嶺伊藤仁齋情交尤密。東嶺長於坦菴一歲。坦菴長於仁齋四歲。自少至老。屢相往來。若兄弟。然後各以耆宿。山斗於一時。及其歿。故三人不過三年相尋凋落。

天和年或讒以曲直瀨玄理薦坦菴於幕府。將擢為

學職之狀。越前侯聞之大怒。召坦菴於福井城。幽之一室。坦菴雖在憂悶中。優遊自得。更無鬱悒之色。日讀經史。或作文賦詩。若不知身在禁錮者。死三年矣。後讒者被放逐。其冤始明。遭赦而歸京。嘗謂門人曰。三年在一室。而不省世事。獲專精於讀書。是亦君恩之厚矣耳。

坦菴好以禮義自維。不苟言笑。故以蹇直方正。被稱於士大夫間。嘗在福井城。元旦一藩之士。朝侯新祝禮畢。坦菴與執法某私語於正廳側。人皆憚之。坦菴視戲曰。雖無爪貓鼠。不得不憇。勢舊不敵也。雖不吠狗。

盜不得不惡。意舊不對也。

坦菴之詩文世多不知。活所遺稿序。剛齋遺稿序。老圃集序。法苑珠林捷徑序等。皆載各書。林九成名賢文集載聚遠亭記。賴朝論櫻川研銘三篇。又名賢詩集。載五律二十一首。七律十六首。七絕十四首。可謂不。歎。蓋其家屢罹火災。手澤之物。總為灰燼。不存片隻矣。

坦菴之男名溫字元恭。號平菴。歲五十五先坦菴而歿。以無嗣子。故養門人播磨清田宜齋為後。襲其祿。宜齋名道基字子崇。又號龍洲。能繼箕裘。其學術不讓。

坦菴云

坦菴以元和九年癸亥九月二十九日生。以寶永五年戊子八月二十四日歿。享歲八十六。葬于京極大雲院所。著有老人雜話。坦菴文集。

伊藤東涯哭坦菴詩略述其履歷。今附載於此。云壯歲參越幕。宦歷五十霜。春過主致禮。矜式士有望。翰墨法度嚴。詞采光燄長。隻字初落紙。人間爭珍藏。奇書寫滿屋。名花裁在莊。佔俾老不休。耽閒臥洛陽。嗟々不憇遺。精靈歸彼蒼。暗燈秋風叫。落月暮雲狂。寄語二三子。收淚慰憂傷。一部坦菴集。身亡名不亡。

小河立所

名成章字伯達一字茂實號立所通稱茂七郎平安人

立所世家於京鎮守府將軍藤原秀鄉十世孫曰兵庫頭政平者居於近江小河始分族為小河氏政平十四世裔曰吉盛給仕于室町將軍吉盛生光種光種生吉勝吉勝生以安通稱莊兵衛老號省宇乃立所之父也娶有馬氏以慶安二年己丑歲生立所於平安挑華坊家云

立所十二三歲緘默少言器度如成人父省宇愛之曰

兒神宇遲重似不能言者如此而後出語可人而已

立所歲十五始志於學慨然有求道之意與弟成材字

吉號德所受業於伊藤仁齋之門學成授徒遂以經義著稱於世云

當時崇奉堀河學者皆以辨駁理氣心性之說為專務其事實踐躬行者少矣立所有見於此特先躬行而後言論嘗定學規三條揭諸齋壁其一曰反求於己勿責於人二曰忠以盡己恕以待人三曰不逆人誣思己不信又書云人之氣質有萬不動其造道之方亦各因其材敬戒之目固非三條之所能盡然平生

所以爲學者不在於此。則外雖可觀，不足以爲學矣。立所以元祿四年辛未之春遊于江戶，寓于東叡王府。王愛文學士，恩顧甚渥。居六年，丙子六月乞暇，將歸平安。留別諸友賦詩云：官遊六歲欲還京，又有親朋無限情。惜別歸思方寸裡，兩般相戰意難平。諸友曰：佳什句則善，甚有不祥意。立所笑曰：惜別留別之常態，何之不祥之有。歸京之後無幾而歿，果爲詩識立所歸京之時。途中河魚毒調理不驗，而在病床。伊藤東涯自往問疾，體羸神索，言噤氣喘。見東涯喜曰：幸哉吾子來也。我死在旦夕，予訣死將囑子。先賢有言

曰：鳥之將死其鳴也哀矣，人之將死其言也善矣。勿以予不肖而易予言。夫大壽不貳，脩身以蒞命，予不慙斯言。若吾子素受家學，衆所矜式，勿託道義以流俗學。勿務博雜以忘守約。至命之窮達非所較也。子能擇焉。東涯終身稱此言云。

立所以元祿九年丙子七月十七日歿，時歲四十八。及其將易箆，視死如歸，精爽不亂，端坐而終，葬于洛西上品蓮臺寺域內大慈院所。著有論語國語解十卷、伐柯篇二卷、聖教錄學論各一卷及文集四卷。

松浦交翠

洗心叢書後編二

交翠

廿

名默字成之號交翠軒通稱藤五郎播磨人

交翠歲十五仕_レ姫路侯_守松平大和_守直矩侯知其志於學東遊

江戸從事林鷲峰講習經史居五年而侯薨自是絕

思官途講說爲業從遊者頗多矣貞享中閣老河越

侯喬知_{秋元但馬守}聞其學術聘之贈月俸十五

口交翠無意於再官賓師其邸云

交翠確信程朱學不喜博雜嘗書己所見示弟子曰天

命之性者萬物之一原也然天地人本渾淪一體而

未始有所間隔但由天人形質相分故取天賦物受

之義而性命異名耳實非彼來襲於此也其本來渾

淪一體者非言語所能象可默而識矣

交翠常語人曰服庸醫之藥不若不服習庸儒之教不

若不習也

交翠所著諸書讀之皆有裨益於後學近時之人動輒

求言詞藻不知考究體用躬行則不能察其學術如

何概以道學先生頭巾者流目之陳腐論說爲不足

讀可謂誤矣

交翠以寶永四年丁亥九月二十七日歿時歲六十四

所著有孝經證解論語證解大學授蒙資講齊東野

語世諺故事勢免天嘉多連及文稿等

莊田琳菴

名靜字子默號琳菴通稱萬右衛門武藏人仕于

丹波龜山侯守松平伊賀

琳菴少從谷一齋學資稟特異僅踰弱冠其學既通尤

長於談論龜山侯一聞其講通鑑綱目喜之以祿百

五十石聘之琳菴起而應之仕為侍讀時歲二十八

矣。

琳菴才識淵茂立志以忠誠自勗說於學者有志而行

未果斷者曰學當如習水習之淺處而後向深沒弱

欲死者數次矣方始見功若懼其溺不離得淺處了

終身在水亦不能游泳數尺之水

琳菴天資溫柔退然若不勝衣者而至與人論辨得失

吐欵盤詰不避利害以謬謬人皆忌憚之寬文十年

庚戌歲其君侯逝柄臣得志謀事於內琳菴自以為

不可默而止捧諫疏擯之或面折排之奸邪輩深忌

刻之乃構讒抵罪遂幽囚於龜山城囹圄中嘗著獄

吏問答一書譜記經史數千言弗外一字有識者稱

其不可企及焉監酷也

琳菴在於獄中四年以延寶二年甲寅十月棄市將就

死地向南拜先君曰死酬知己之德謁黃泉下臣無

忸怩。又向東拜。江戶之母曰。萱砌春輝之鞠育。豈得報寸草之芒乎。今復先而貽大耄之嗟。不肖之戾孰大焉。我匪弗懷私恩。其奈公義何哉。乃朗吟絕命辭云。迥慕胡忠簡。英名萬古流。浩然同正氣。一笑隕樓頭。時歲三十六。及泣。蹈白刃。神色不變云。人皆憐之。
神原篁洲

名玄輔。字希翊。號篁洲。通稱小太郎。後以元輔爲通稱。和泉人。仕于紀侯。

篁洲之先世伊賀人。本姓下山氏。幼而孤。爲外父所養。因冒其氏。少負奇氣。遊于平安。求仕。縉紳家無更所

遇。從木順菴學。寓于其家。居三年而歸鄉。閉門讀書。將以文學振揚於一世。留志經義。不欲時流所爲。詞藻浮華之事。後從外父來江戶。講說爲業。先是師順菴。被擢幕府。又在江戶再遊其門。學術大進。順菴薦之。紀侯釋褐。儒官。

篁洲在當時。既不好區別學流。故每講經。用漢魏傳註。與宋明疏釋訓詁。則據馬鄭之舊說。義理則依程朱之心性。近時所謂折衷學者。胚胎於此。其博綜之餘。旁通星歷五行風水數術之說云。

篁洲在平安時。嘗執謁於伊藤仁齋。聞其講論語。既告

入曰彼儒有定見自構一家言不為無功於聖學矣其私淑吠虛之徒相與慕倣不省如何唯好辨駁先儒吾恐京師之學從此而變矣京師之變則大坂江戸亦然後十年唱和其說者稱古學家風靡京攝之間又十年許物徂來崛起江戸天下之學術大變矣果不違其言

篁洲常云天下技藝各有四等一曰偏多二曰功者三曰上手四曰真盡上下三千年縱橫一萬里所存不出於此學者之於道亦然

篁洲資性敏捷博綜眾技尤精天官家言日月薄蝕星辰

辰躔度推測無遺毫髮名都字三哲澁河春海稱助左衛門以星

歷學聞篁洲屢往來之研尋疑義反覆辨論春海長

於篁洲十七歲常歎服其技稱為我邦未嘗有之人

物焉

篁洲於同門士尤稱莫逆者兩森芳洲新井白石室鳩

巢三人矣芳洲自少嫻辭令善華音白石留志國朝

典故通曉時態鳩巢以經義為專門領袖後進篁洲

該博旁通加旃以深智儁才自鎗劍射御書計醫卜

至茶香園碁猿樂之類通串其技者不可勝數順菴

晚年戲謂人曰伯陽之華音君美之典詰師禮之經

義希翊之技藝。我門之手足矣。
篁洲又善書畫。嘗寫其師順菴之肖像。就求贊語。順菴
因述平生實履。與之一日。篁洲享順菴於其家。先之
肖像。既而裱裝。懸之壁上。順菴喜賦七絕一首。謝之。
其詩云。珍重篁洲寫我真。頗觀如此有精神。願言阿
堵無憎愛。同學同門一視春。
篁洲歲過不惑。好讀文獻通考六典通典等書。專研討
歷朝之沿革制度。故如明律。尤其所精究。嘗奉侯命
撰明律譯解三十六卷。自是而後。若高瀨學山物徂
徠之輩。講明律者。徃々有矣。其講明律學政書起自

篁洲云

篁洲以寶永三年丙戌正月三日歿。時歲五十一。葬於
江戶鮫橋圓應寺。所著有易學啓蒙詠解。老子經詠
解。古文眞寶詠解。山谷詩集註鈔。書言俗解。疊字訓
解。正續詩法授幼抄。正續印章備考。談苑。談藝雜記。
文稿等。男名延壽。字萬年。號霞洲。孫名良顯。字彰明。
號青洲。皆襲職云。

先哲叢談後編卷之二終

